

南京中國史學會叢書

日本論叢

第一冊

繆鳳林編著



南京鍾山書局印行

總局 南京城內藥巷口
分局 太平路三二號

民國二十二年七月初版

每冊實價一元二角

日本論叢

第一冊

繆鳳林編著

鍾山書局出版新書

中國通史綱要

繆鳳林編著

已出二冊 第一冊 定價兩元 第二冊 定價一元六角

是書爲繆先生在中央大學史學系教授通史時所用課本。分爲四編。首編導論。略述史學通義及國史上之民族年代與地理。次編歷代史略。以說明各時代之重要潮流爲主旨。三編政治制度。四編學術文化與宗教。則分門論述。自太古以至最近。以明今日各種現象之所由。及其蛻變之所以。凡所敘述。皆先通其大。標立節目。次就一已涉獵之正史通鑑通攷與百家傳記之書。旁及中東時彥論著。提要鉤玄。擇精語詳。十載以來。稿草屢易。定爲此本。柳翼謀先生序此書有云。「宇內大學林立。史學講座。科名繁猥。炫奇驚新。率鈔通貫。是編條理明晰。本末賅備。儒先精粹及近人鉤索辯難之文。大略在是。治國聞者以是爲津鑄。倘不至禮失求野乎。」蓋國內大學所用通史課本講義。未有能與此書比擬者。本局所出繆先生編著之高中本國史。大都依據是編。爲教者必備之參考書。即有志之士。欲研究國家民族社會文化政治演進構成之眞象。求一疏通知遠而不誣之著作。亦惟此書足當之。第一冊爲第一編全編及第二編之太古至戰國部分。共約三十萬言。第二冊爲第二編自秦漢至南北朝部分。約二十五萬言。俱已出版。第三冊爲第二編自隋唐至元朝部分。已在排印中。

高中本國史

繆鳳林編著

上冊

端典紙精印

實價八角

編者歷年主閩中央大學入學新生國史試卷。深慨高中學生國史知識之淺薄。推求其故。大抵由於缺乏良善之教本。特參酌教育部頒行高中普通科本國史課程標準。編輯此本。所有材料。皆幾經提煉。饒有意義。政治方面。以說明各時代之重要潮流爲主。社會經濟文化學術等。亦皆觀其會通。扼要詳敘。面目精神。與坊行課本迥然不同。行文尤雅潔。誠高中之最善教本。亦有志國史者最佳之讀物也。

弁言

曩負笈南雍。嘗從翼謀師習日本史。課外輒喜讀嘉應黃氏日本國志。黃書雖終於明治初年。然以其採摭之繁富。論斷之明通。私意繼此有作。必詳研史例。盡讀黃氏所據之書。而兼及其未備。乃或有當也。癸亥以還。掌教東北中央諸大學。間歲輒授日史。搜羅日史之業。亦與年俱進。其初所得者。不過清世日人著漢文史籍與黃氏後國人撰錄及譯著。繼則上求有清以前中東人士撰著。兼及輓近日人述作。最後始購得正續國史大系。與正續續續羣書類從諸叢著。於是所見之書。卽明治以前部分。亦有出黃書所據之外者。而倭寇侵陵。國勢隳墜。如魚爛而土圯。士子血沸心凶。奔走呼號。無裨毫末。蓋近世國族之鬭爭。欲求其勝利。必先求全民族活動之任何方面。皆能與敵人相抗衡。以吾國之繁重。彼日人以東洋史名者。都以十數。而吾則黃氏歿後數十年。求一書能繼日本國志後者。杳不可得。卽一例餘。其尙足與日人抗乎。亦旣欲以數載之力。草一日本通史。冀有以雪此恥。會方有中國通史之作。無暇從事。姑先就已作論文及日人論著若干篇。編

爲日本論叢第一集。後有撰述。當以次刊爲二集三集。期以十年。可得論文數十篇。然後刪繁就簡。悉心編纂。則日本通史或有殺青之望乎。黃氏自敘其書有曰。『昔契丹主有言。我於宋國之事。纖悉皆知。而宋人視我國事。如隔十重雲霧。以余觀日本士夫。類能讀中國之書。考中國之事。而中國士夫好談古義。足已自封。於外事不屑措意。無論泰西。卽日本與我僅隔一衣帶水。擊柝相聞。朝發可以夕至。亦視之若海外三神山。可望而不可卽。若鄒衍之談九州。一似六合之外。荒誕不足論議也者。可不謂狹隘歟。』薛叔耘氏敘黃氏書亦曰。『自今以後。或因同壤而世爲仇讎。有吳越相傾之勢。或因同盟而互爲唇齒。有吳蜀相援之形。時變遞嬗。遷流靡定。惟勢所適。未敢懸揣。然使稽其制而闕焉弗詳。覘其政而費然罔省。此究心時務。閱覽劬學之士所深恥也。』今去兩氏之沒數十載。讀其言猶若爲今人言者。爰錄之。弁此編之首云。民國二十二年六月繆鳳林於南京蓮花橋寓廬。

日本論叢第一冊目錄

- 一、日本史鳥瞰(四八頁)……………繆鳳林
- 二、日本古代開化論(四〇頁)……………繆鳳林
- 三、日本舊軍閥論(三六頁)……………繆鳳林
- 四、中日民族論(二〇頁)……………繆鳳林
- 五、日本開國五十年史序論(三四頁)……………大隈重信
- 六、開國事歷(二〇頁)……………島田三郎
- 七、神道(二八頁)……………久米邦武
- 八、儒教(一八頁)……………井上哲次郎
- 九、佛教(一四頁)……………高楠順次郎
- 十、明人著與日本有關史籍四種提要(二四頁)……………繆鳳林

十一、日本軍備與「二二八」中日戰爭（二〇頁）……………繆鳳林

按「日本史鳥瞰」爲作者對於日史之概括的敘述。「日本開國五十年史序論」則代表日人對於本國史之見解。「日本古代開化論」與「日本舊軍閥論」爲作者對於日史初步的專論。所言有與「日本史鳥瞰」重複及歧異者，以概說分論言各有當也。「中日民族論」作於濟南慘案後，「日本軍備與二二八中日戰爭」作於滬變後，代表作者對於最近兩大事變之觀察與言論。「明人著與日本有關史籍四種提要」則爲作者所著日史提要之一部分。「開國事歷」敘日本近世開國之經過與因果。「神道」「儒教」「佛教」三篇略可窺見日本民族精神生活之基礎。自日本開國五十年史序論以下五篇，皆採自大隈重信主編之開國五十年史。原書有英文日文漢文三本。英文本未見。日文本明治四十年清光緒三十三年，一七出版。漢文本譯自日文本，明治四十二年，清宣統元年，一九〇九出版。卷首有大隈自序言「吾爲清國計，莫如先務自立，自立之道如何，亦在做我日本開國進取之道而已矣。…苟欲取則於我，則莫如審我實勢。欲審我實勢，則莫如考其沿革。欲考

其沿革則如此書者亦必在其所取也。蓋彼天時人事所以相爲經緯、外患之所以變而爲福、中央集權之所以成、新舊之爭所以歸一、立憲之所以合國體、大略備乎是。今譯以漢文者爲友邦謀也。嗚呼、清大國也。其動必大、一旦乘勢雲蒸龍變、豈可測哉。余雖老矣、請刮目而待之。大隈之編譯此書、雖富宣傳意味。入民國後、且爲二十一條之主動者。然此序所言亦殊有相當的善意也。漢譯本大致與日文本密合。惟較日文本少「教育瑣談」、「高等教育」、「歐洲學術傳來史」、「醫藥及衛生」、「新日本智識上之革新」、「政論界之於新聞紙」、「染織業」、「北海道誌」、「臺灣誌」等九篇。亦係有意的缺略也。全書各篇撰述者多係當時名宿、惟大致終於明治三十八年日俄戰時。在今日已大半成爲明日黃花。茲所錄五篇爲全書之精粹、且較少時代性。商務印書館出版之萬有文庫、曾翻印全書、標名漢譯世界名著、而悉刪其卷首序文、一若全書卽爲該館翻譯者。恐讀者誤謂諸篇錄自商務翻印之書、特說明其原委如此。

目

錄

四


神代 → 人代

日本史鳥瞰



繆鳳林

日本之立國。始於何時。今尙無定論。日史家紀載。大抵首神代而次人代。謂當天地開闢時。有三神天御中主尊、高皇產靈尊、神皇產靈尊。爲造化之祖。繼爲天神七代。又繼爲地神五代。天神最後者曰伊弉諾尊、伊弉册尊。二尊降居下土。經營日本。八大洲國。生諸子孫。分治諸地。是爲地神。地神最後者曰鸕鷀草葺不合尊。尊生日本磐余彥尊。是卽後世追謚之神武天皇。亦爲人代之初祖。自神武元年辛酉（周惠王十七年、西元前六六〇）至今主昭和八年癸酉（民國二十二年、一九三三）爲世七十。爲代百二十四。爲年二千五百九十三。世系表如次。

日主世系表



皇世系圖
傳八人






(雅淳毛派)

(大郎子)

(彦主人)

繼體 (二六)

安閑 (二七) 宜化 (二八) 欽明 (二九)



一、日本史乘、對日主例書天皇、古史則往往書帝書皇帝。蓋天皇皇帝、自古通稱、今有明文、故互見遞出也。今仿通鑑例、概書爲日主。

二、神武至元正^四等諡、爲孝謙^六末桓武^五。○初所追諡、桓武以降、上諡號者、仁明^四、文德^五、光孝^五、崇德^七、安德^五。

一五主。自宇多^九至後桃園^八。一停諡者六十主。光格後始復諡法。明治大正昭和、又皆以年號爲稱。至平城

一嵯峨^五以降之無諡號者、多以所住之宮或宮之所在地爲稱。

三、日史或以繼體^二爲應神^五。一五世孫、則有七十一世。或以後龜山^九繼後村上^七。不列長慶於帝、則僅百二十

三代。今主昭和二年十月二十一日下詔、列長慶於帝統、今主遂確定爲百二十四代。

四、表中外加^口者、係女主、共十主。日本書紀列氣長足姬尊^{即後世追諡之神功皇后}於稚足彥天皇^{即後世追諡之成務主}。後則共十一

主。此表不列神功於日主、從大日本史。又皇極之再登帝位、曰齊明、孝謙之再登帝位、曰稱德、故十女主實僅

八人。

考日本至隋世推古主^三。三時始用甲子。始有記載。今傳古史最古者曰古事記。成於唐睿

宗時。元明主^三和銅五年^二。一爲太安萬侶所撰錄。次曰日本書紀。成於唐玄宗時。元正

主^四養老四年^〇。七二爲舍人親王及太安萬侶等所修撰。時日本今日通用之假名^{即取漢字偏傍以假其音之假字}猶未創造。其國僅通行漢字。阿伊鳥惡之倭音。除漢字外亦無法表示。故記紀

字偏傍以假其音之假字猶未創造。其國僅通行漢字。阿伊鳥惡之倭音。除漢字外亦無法表示。故記紀

古事記及日本書紀之簡稱。二書皆用漢字。古事記猶僅以漢字紀其國語。書紀則全用漢文。（倭歌仍以

漢字紀其國音）惟略帶倭氣而已。後世所傳神代史實其源皆出於二書。以地爲胎生

以祖爲物化。蓋猶北狄南蠻之推本其祖。自以爲狼鹿神犬者無殊。而日人神之謂其國

上下自域外徙入者外皆神祇之後裔也。自神代而人代。記紀亦皆首紀神武而書紀又

以神武元年辛酉爲其國紀元之始。日本自明以前無著名之史家。清初水戶藩源光國

始網羅賢俊。開館修史。後嗣繼其鴻業。補修潤色。自後西院主一一明歷三年（清順治十四年

創設史局。至明治三十九年（清光緒三十二年）全書殺青。四百有一卷之大日本史。本紀七十三卷

十卷。志一百二十六卷。表二十八卷。目錄五卷。蓋閱二百五十年之歲月。十二世祖孫相承而畢事。義例一準吾華

正史。爲日史第一名著。然其書卽斷自神武以神代言不雅馴。削去不書。八〇至一八三三編

日本政紀十六卷。仿中史編年體。清季青山延光（一八〇七至一八七〇）編國史紀事本末。四十卷。仿中史本末體。二書在日本舊史中亦稱名著。皆斷自神武。與大日本史同。惟神武以後

諸主及紀年猶皆從書紀。綜神武至成務十三主。歷年八百五十。初平二年。前六六〇至後

一九而國之大事。僅神武東征（自九州之日向率師東征。平羣賊。卽位於本州太和之

橿原）景行西征（自太和親征叛臣熊襲於九州之筑紫）及景行子日本武尊征本州

東北之蝦夷三事諸主之略有事實可言而立國稍有規模者亦惟神武景行成務三主
自吾人觀之諸主系統年代蓋多出後人臆造大日本史載諸帝年壽如神武一二七歲古事記作一

三七歲書紀則作一二七歲以書紀不蓋孝昭四歲孝安七歲孝靈八歲孝元六歲開化一歲崇神一

歲諸帝年壽故從大日本史下仿此九垂仁九歲景行一三三歲大日本史等皆在百歲以上而孝安享位且至一百三載後漢書

東夷傳雖稱「倭多壽考至百餘歲甚衆」然十三主中九主至百餘歲殆爲事理所必無

一也日本至隋時始知紀年以前年紀皆屬追記如謂口碑相傳容非全趣則安寧至開

化七主書紀所載自其父母及生卒外幾無他事餘主亦多間十數年或數十年始著一

事豈有既紀其年而皆失其事乎二也日本至魏晉世猶分爲百餘國說見下無統一之君

主其前則土酋林立此與彼仆今謂神武之族累葉稱帝遠溯周世代無失名誰其信之

三也書紀於諸主皆無諡僅書「神日本磐余彥天皇」卷三即神武「神淳名川耳天皇」即綏靖

「磯城津彥玉手看天皇」即安寧見卷四等神武綏靖安寧諸諡其成立行用猶在書紀成書之

後蓋日本之爲國萌芽於漢魏滋長於晉宋歷梁陳至隋唐日人大得中國三韓之文化

由野蠻而日進於開明國家之形勢始成後之作史者恥其建國之晚與中韓相去懸絕

乃臆造諸主名號年紀與魏晉以降之土酋編成一貫之統系以示其開國遠在周世而其歷史性質有獨異也。卽魏晉後諸主之詔令其文辭內容亦多剽竊中史以圖抗衡上國又取漢字之美者以爲帝諡以自附于文明然孝昭孝安孝靈孝元諸名皆漢代帝諡日人亦不惜一一盜取以追奉其臆造之土酋且謂其年歲較諸同諡之漢帝爲尤古也亦可哂矣。

日史所載古代事蹟大抵後人臆造是則然矣。然日人自漢世已通中國魏晉六朝朝貢頻數凡吾史官所記或彼使臣所自陳或吾行人所目覩悉爲當時實錄與記紀等出後世追記者迥異故考日人隋唐以前之歷史當以吾正史爲最可信之資料司馬史記無倭名漢書地理志始言「樂浪海中有倭人分爲百餘國以歲時來獻見」蓋自漢武夷朝鮮爲四郡漢之聲教遂由朝鮮越海而及於日本然時所謂獻見疑僅對邊郡行之尙未至京師故班史不能詳其國俗也至東漢光武中元二年西元五十七安帝永初元年西元一〇七倭人遣使奉獻皆至京邑後漢書帝紀與東夷傳備載其事後書又稱「光武賜以印綬」今此印

亦已在日本。築前那珂郡發現蛇紐方寸。文曰「漢委奴國王」。日人以其有辱國體。且以其發現地在九州也。謂或係當時小酋所爲。然小酋固不能代表大酋。而膺王號之封也。至魏志東夷傳。則載自魏明帝景初二年^{二二}至齊王芳正始八年^{二四}十年之間。倭女王卑彌呼遣使朝獻者三度。魏封爲親魏倭王。假金印紫綬。魏使(皆帶方太守派遣)亦再至其境。延及晉初。卑彌呼猶貢聘不絕。日史自日本書紀以下。以卑彌呼與舊傳神功皇后年代相近。多謂卑彌呼卽神功后。近著名史家尙多持其說。親魏倭王之印。今雖不存。因有原印拓文傳世。亦可考見。陳(壽)范(曄)二史皆稱倭在東南大海中。依山島爲國。邑凡百餘國。其大倭王居邪馬臺國。男子皆鯨面文身。以其文左右大小別尊卑之差。其男衣皆橫幅。結束相連。女人被髮屈紛。衣如單被。貫頭而著之。並丹朱圻身。飲食以手而用籩豆。俗皆徒跣。以躡踞爲恭敬。國多女子。大人皆有四五妻。其餘或兩或三。女人不淫不妬。風俗不盜竊。少爭訟。而陳志尤詳記其對馬一大末盧等數十國。並及諸國之大官副官。觀徒跣踞。踞丹朱圻身。橫幅結束。被髮屈紛。以及飲食用籩豆等。今日日本之俗。猶然邪馬臺之爲太和。彼邦語音亦同。足徵陳范所記必爲日本當時之寫真。亦日本最古